

抱

冲

齋

詩

集

抱沖齋詩集卷二十九

長白 斌良 笠耕

三使均齊集一

四月廿九日奉

旨赴察哈爾均齊馬羣雨後出德勝門

恰喜清和雨乍晴泥融何礙客囊輕  
窮鯨志切懷南戒駁駿

恩榮向北平

上諭汝兩次太僕尚  
曉馬政是以命汝前往

潑黛重巒迎簞節  
鎔銀沙

輭趁銑征鬢絲爭及青青柳一歲春歸一度更

馬店書所見

千盤瘦轍鎮迴旋黃篾棚開碧蔭圓  
風景依稀猶記取鳴蟬聲裏復三千

過清河眞武廟感舊作

阿蘭一飯作車停猶記申年伴使星戊申年曾偕松湘浦相國至歸化城識案在真武廟  
飯老友關懷人宛在舊游如夢感曾經細參茗味輕甌白笑指  
松枝偃蓋青試問西堂昔題句燕泥遮莫點湘屏

南口

灌耳泉聲瀲灩掃眉雲氣英英村僻不宜居處深山莫辨陰晴  
將抵居庸關寫懷

犖确鏗輪耳倦聽教童煙麓覓簪篁將過險要脩車轄難遣騷  
情語鐸鈴村舍遙看團聚落峯巒近挹壺瓏玲今宵恰喜朋簪  
盞燒筍山廚絮酒瓶晚與童春海別駕爲約

海壩村

隴阪緣高下欽崎振策過嵐蒸衣袂溼身已陟盤陀

畱別劉訥籙宗丞楊滌雲閣學許滇生尙書卓海帆協

揆陳子鶴太僕玉若山太守

蕭齋判袂語津津積懔蒙茸惜未申樹節祭彤期勵俗分金鮑  
叔感知貧罪香餅餌重逢夏照眼蒲榴已過春待得南湖紅鬪  
錦浮瓜煮酒約比鄰

南口述懷

好山如故人倏已三年別山靈似相語砰礚鏗輪鐵延緣翠麓  
陰一晌勞薪歇陞嶺畏巉巖雄關天險設奚奴負笥與打疊層  
巒越丁甯戒僕夫跬步防顛蹶

南口早尖僕趙璧求書詩扇戲成

聚頭新樣練光鋪輕染隄塵小句逋自愧才非蕭穎士愛才偏  
亦有人奴

關溝雜詠

四周嵐翠環抱一輛籃輿鳥翮輕多謝山靈潛佑我踰溝喜  
值十分晴

石骨皴紋折疊青螺旋黛染列湘屏

御碑兀立詩亭圯屈指谿坳七度經

風帽凌兢瘦馬騎孤吟擁鼻凍難支山中景象因時易蝶舞蟬  
嘶此一時

### 仙枕石

巨石兀然峙陡壁蒼花紫云是古僊人枕藉曾眠此中央似砥  
平無階難進趾縱橫四丈餘窪樽礪窩擬浪傳宋楊業插帳鑿  
石齒細審笑啞然齊東語尤鄙昔年曾誅茅基存亭早圯崖端  
秀句鐫揮灑秋蛇詭太行罨散人採芝逢彼美旁更勒高銘尙  
書許猶紀歲在嘉靖冬破虜韜弓矢磨崖記戰功深愧燕然比

更有隸書刊呂寶迹堪喜憶我奉丹綸七度過茲矣鞅掌不遑  
暇芳躅未親履登臨偶審玩神怡淨如水妙契探奧蹟緬彼希  
夷子欲續琴峽篇剛風吹袂起

彈琴峽

幽峽埋荒磧蒼茫不可尋奔流穿石罅激溜學琴音有象緣皆  
妄無絃趣獨深成連今不作徒具望洋心

石佛寺

青螺髻擁古苔侵非佛非仙幻莫尋菩薩低眉參淨諦泉聲洗  
出妙明心

上嶺吟

巖巒向背暄寒別泉脈高低清濁分萬仞峯顛行自到不須援  
手入青雲

榆林堡寫懷和兩當軒集中舊韻

東出岔道口宛似朔漠地萬朵碧芙蓉湏洞羃山氣礪礪鏗車  
輪亭障引郵騎旅食歎艱辛庖羊厭羶膩行廚雖自攜精庖術  
難試湫隘避茅茨憩息借蕭寺幸值清和屆麥隴涼飊吹繞烏  
激奔湍埽眉滴嵐翠我雖乘輶車游覽頗自恣殷勤舊雨逢周  
旋強人意調童春海別駕榆塞別三秋風景了無異計程方再宿行孰  
感憔悴統幕感重經時清絕魑魅

抵懷來縣過通濟橋題

百雉環山帶玉繚嬌川漲暖綠難消風光雅合昌黎句振策行  
天馬度橋

土木懷古

權闡挾主莽征誅血戰天驕萬骨枯虛已倘從曹鄴諫倉皇北

狩亂原無

鳥盡弓藏太寡恩  
魚賺預兆奇冤如何復辟論  
功日不獎還轅賞奪門

土木蒙塵變異常  
六師挫衄失英皇  
窩兒帳頂黃龍見  
識協城隍雨帝祥

民重君輕本聖論  
志存社稷効忠貞  
石徐猜忌偏逢惡  
畢竟回鑾仗蓋臣

弔沈忠愍公

練

瀝血孤忠謫灤陽  
嫉邪召禍安羅殃  
三奸草縛彎弓射  
一疏株連飲恨亡  
烏鳥陳情冤雪晚  
老熊枋國毒流長  
趨車憑式先賢里  
誰肅明禋統幕旁

富家莊



一規糠餅進吾

皇芹獻邊氓記馬祥戶籍殷繁倉廩實狼山真作富家莊

康熙

年皇上自赤城坐湯回幸懷來縣狼山堡土窩適居民馬祥與妻同飯糠餅見客入即以所食餅飯之上啗之曰此地百姓窮至此乎因賜馬祥白金九十六兩更名狼山堡為富家莊曰是後此間富有富者說見懷來縣志第三卷臨幸部

夜雨曉發沙城途中書即目

廉纖纔傍枕函聽忽漫乘輿霧豁冥遠水白縈深淺渡亂山青

入短長亭豬肝頻給甯人累

此項奉使皆自備例不馳驛

馬齒雖加儼壯齡

一幅范寬行旅繪騾綱甌笠影伶俜

雨後保安道中

一宵梅雨迥芳塵淨滌嚴巖豁目新溼翠暗滋栽麥隴鎔銀細

漱落花津魚書預寫遲遲寄牛磨重尋步步陳天恐長征行觸

暑送涼特地慰勞人

水泉莊龍王廟小憩

沙路無泥似砥平  
肩輿行比柳風輕  
蒲芽碧處波初漲  
梅子黃時雨易成  
古迹何從尋虎園  
峭峯依舊認雞鳴  
解鞍聊傍鐙龕坐  
振觸三年鞅掌情

上花園

質孫衣綴寶珠勻  
詐馬筵開內苑春  
花落芳園空有號  
明昌羅綺久成塵

由金龍口至響水鋪作

宣府由來稱重鎮  
山環圖畫自天開  
灘沙猶溼漲初退  
岸柳半斜風乍來  
羅綺明昌餘舊苑  
蓁芳軒后賸空臺  
山僧那識興亡事  
茶板聲中茗具催

響水鋪避雨

萬峯宛轉如環抱，幽術煙樊步翫翫。洋河駭浪撼雲根，濺沫跳珠等飛瀑。中流巨石胡岐嶒，驚濤穿罅看奔騰。箏琴筑響齊湊灌耳，一片清音聆東華冠蓋如雲開。鼎食鐘鳴自昏曉，思量何計淨閒根。輭紅塵空潺湲，杳煙霞窟指翠微。麓竹籟松濤憶菌閣，不圖上谷此谿坳。清韻居然有時作，揭來電掣墨雲屯。山雨忽來沾帽脣，天公著意憐羈旅。亂灑天瓢代洗塵。

晚抵宣化

上谷資巖鎮，平臨象緯低。川原金繡錯，樓櫓塞雲齊。日夕明鴉背，沙涼健馬蹏。海氛何日靖，空憶謝征西。

宣化行館和壁間韻

雄關遠控白龍堆，又奉丹綸考牧來。古月照殘蕭后閣，新篴綠到李陵臺。餘皇破浪殲夷虜，組練橫江倚將才。南望居庸鄉

思切五雲深處擁蓬萊

石壑子山寺題庫倫蒙藩蘊端多爾濟詩後

名王陪獵

聖恩隆弧矢宣威萬國同縱轡從禽輸壯歲據鞍何事如東風

蒙古藩王原詩

青年較臘興方隆路入中華惜不同身老不能擒猛獸題詩  
枉自如春風

榆林鋪和卓海帆協揆題壁

粉壁題詩逸興長頓教蓬華燦生光漢卿考牧從公始令譽還

欣播一方

太僕寺均齊馬匹向派滿洲正卿癸巳之役特派漢正卿查驗倚畀

恩隆誠異數也公幃帷所歷自砥

廉隅蒙民均皆感頌至今稱之

塞隔螭螭路阻長三持使節荷榮光

余於道光甲申暨己亥及此次壬寅凡三次均齊皆

蒙恩簡派恩簡派清操齊說同張奐附驥名高震北方海帆最能體恤蒙古頗著聲譽眾謂  
余差堪追步

察哈爾左右兩翼總管布彥德勒格爾札密彥札布率  
領固山達噶蘭達及眾阿敦達等入關至張家口榆  
林鋪跪迎道左成一律

望塵環拜聽歡呼千里樞迎禮數殊又挹清風歌出塞敢言甘  
雨慣隨車是日大雨但期牧馬衝鋒勁不羨國人負弩驅

聖政錄成思獻納愧無博學贊嘉謨

端午節仁山都統鐵麟偕右亭副都統敬敷招飲衙內

之來青齋卽席

頻年端節此重經又向衙齋錦纜停竹葉翠浮新啟甕榴花紅  
照舊書屏事關海國還增慨論到升沈感聚萍夢友名山同契

洽每相逢處眼俱青

戲贈輿夫崔福

名卿御者解崇儒  
蕭寺鈔碑命獠奴  
輿人崔福識字略知文意  
氣不揚文理熟  
絕勝晏子舊輿夫

游茨兒山雲泉寺和壁間權部廣惠韻

車騎趨趨翠麓斜  
嵌空樓觀枕丹霞  
噴珠陰竇滋靈草  
錯繡陽坡摘異花  
老衲耳遲疏  
世事雖奴足健恃  
年華下方館驛嫌塵涸  
欲借巢雲釋子家

倒指驚鴻一字斜  
危亭高聳冒青霞  
曲廊蔭密多因樹  
幽洞泉香不獨花  
跨鳳仙翺冠玉葉  
叱羊石化步金華  
縉雲峻嶺層層隔  
遮莫征人尙憶家

盤旋螺磴極天斜  
瀟灑渾如禁少霞  
寺僻僧耽收橡栗  
地寒客

漫賞榴花空中妙構虛還朗物外禪棲樸不華樵牧休言無伴  
侶巖坳深處有農家

獵獵剛風吹帽斜丰標天半儼朱霞浪傳柱是飛來石

觀音殿石柱俗

傳白塞上飛來余觀雲泉寺碑係乾隆二十八年惠公張公改建雅愛苔凝不落花

屋鱗排

分井邑邊城帶繚界夷華星軺覽勝揮珠玉播徧獅山百萬家

### 金城驛舍題

自別燕南道紅榴豔色敷山川供嘯傲車騎感馳驅考牧循常  
職安邊愼永圖平夷懷海澨朝報問來無

### 借書

郵亭幽閼比山居四面嵐光畫不如借得書看添腹笥無書偏  
覽勝藏書

客有索書者作此贈之

敢云伯重雅能文錦轡行邊考牧勤自愧馬曹持贈薄墨花灑  
徧塞山雲

壩上回望張家口

萬壘峯巒似浪頭蟬聯堡堠列星稠蒼茫雲海看無極一髮青  
山認蔚州

行穿嵐靄陟高空灌耳惟呼浩浩風千里洋河縈匹練田疇宛  
在綠煙中

十一晚那林果爾得家書欣慰可憐六弟新授江西督  
糧之命

千里魚書隔嶺雲開緘常覺意多欣季方觀察新除信誰料  
恩綸塞上聞

那林果爾遠眺



朔漠平舒掌連天草色浮三庚誰翦紉五月尙披裘露氣重疑  
雨野風涼逼秋還聞白翎雀深夜叫啾啾

感事

察哈爾都統歷任以來惟松湘浦相國惠愛蒙古  
並及商民最著聲譽後任此者武餘亭都護忠額

官聲頗著武公  
迺相國所薦

拔茅占象記連茹同類相援有是夫取友必端緣誼合尹公他  
尙憶還無

出大靖門書卽目

迢遞邊門外羣峯莽莽連土房平似岸原樹瘦無煙俗儉多衣  
褐民貧不取錢塞外皆以物  
交易不用錢今宵喜新霽眉月半弓懸

那林果爾曉發

襪被穹廬四日留按巡別部促行騶遙山似髮黏天窄細草鋪  
茵帶露柔舒囑烏犍載訛腹引吭白雀喚鉤輶漫言朔漠多荒

率節屆蒲榴萬彙稠

達池早尖

雅稱飛奔號

車號飛奔見文選

長驅百里便幕圍青貼地草茁綠浮天

旅食惟烹飪征袍早著絲國人還識我彈指倏三年

駕竿車急馳三時行一百餘里午間卽抵博勒蘇木喇

麻禪舍止宿題壁

星輶迅發騁長途及到烏登日未晡又向剎竿來緹馬塞山依舊映浮圖

三間禪舍

淨窗油茗椀鐙缸位置幽不必入門須磬折

廬門發出入

須鞠躬故

伸腰趺坐任優游

喇嘛廟禪舍

連宵毳幕感孤征賃廬重來舍衛城墅曠涼颯時颯沓窗虛寒

月倍分明布衾瑟縮人無寐  
禪榻因依佛有情兩字平安千里  
隔開緘細讀翦鐙檠

塞上見燕子偶感

紅襟雙翦側風微紫塞頻年我佛依  
憐爾銜泥日辛苦可曾相伴百花飛

懷人詩三十一首

自

天錫嘏

主恩崇公讌叨陪記閣東張奐清名傳  
紫塞舊題詩已碧紗籠

卓海帆協揆曾經考牧出關體恤蒙古  
頗著清名榆林堡題壁詩已付裝池

曾提虎旅翦封蛇甌越棠陰繫念賒邇日鳳池揮翰暇擘牋乞

爲作梅花

楊滌雲閣學

譚罪玉屑塵頻揮總角心交託意微羣彥金貂五雲直料應齊

盼雁臣歸

薩湘林侍郎

伯仲論交倏十年豪吟買貴洛陽箋無端食指連朝動叨飫卮

廚醉綺筵

趙蓉舫大廷尉

元龍百尺氣如雲曲讌深談每夜分珥筆樞廷書制誥較余鞅

掌倍辛勤

陳子鶴太僕

侍郎才地壓班揚三載承恩別玉堂冰雪烏桓詩一帙松陵

酬唱有輝光

慧秋谷侍郎

華嶽蓮敷舊夢榮誼敦桑梓重關情冷卿門巷清如水聞寫辰

瓜說邵平

劉劬謬宗丞

判袂恩慙未申雨顛風駛感勞薪巖廊侍直花陰午應憶螭

螭考牧人

許漁生大司馬

纔脫麻衣賦遂初子荆居室境寬舒青山買得旋招隱他日松

巖共結廬

毓筠樵主事

每值登臨憶侍郎鄉心遙隔縉雲長去年此日曾同直雪藕西

清話晚涼

善溥泉侍郎

萬里隨親奉旨甘蒲昌絕域路曾諳自從密贊樞廷後那得論

文翦燭談

祁春浦大農

籍甚聲華二陸侔翺翔鳳閣與瀛洲竹深荷淨堪消暑絕勝清

游薄冶游

潘星齋紱亭二昆仲

蹢躅漫笑魯人山問字徵詩一往還交澹渾如梅氣息偏於疏

處獨開顏

吳西穀府丞

鮎魚上竹功名晚五載繁昌墨綬新東野牢愁玉溪困天公羣

竟厄詩人

陳雲伯明府

同操刑柄十年過抱氣如春養太和頭白郎潛欣有子桑榆遲  
莫惜蹉跎

景芝亭郎中

玉鏡懸秋藻鑒立朝正色骨嶙峋宣房已築哀鴻奠偉績端  
能紹季馴

潘雲閣侍郎

宿諾曾無友誼申彪文粹質氣如春司農釐戴鴻施重舊是青  
宮侍講臣

陳偉堂少司農

插架琳琅篤耨熏風廊水榭淨塵氛墨香時與花香雜寫徧羊  
欣白練裙

楊墨林別駕

一角神羊擬趙堯烏臺霜懔夙名標退公檢點閒花木嬾種芳  
園合口椒

金亞伯大理

海內人爭請贊來青箱事業挾天才飽諳世味甘肥遯嬾置治  
釀酒一杯

彭春農學士

玉尺量材碩望深九齡風度帝尤欽書成平準論經濟一半

精神寄墨林

李芝麟尚書

三絕聲稱媿鄭虔宣南爭送雁頭箋微聞釵釧拋牆角投老風情忽破禪

姚伯昂閣學

集裏多編唱和章小重詩帙久珍藏冠飄孔翠新恩沐可有

閒情賦海棠

張詩船廉訪

偶因小謫下蓬萊星海源探萬里回蔥嶺圖經疏考據河渠新志手親裁

徐星伯儀部

關府濰江記變時歸來洛社好鬚眉功成身退知機早詎獨填吹是我師

家雲耕二兄

軾轍同朝拜紫宸雁行迢遞點蒼春封圻倚界承

恩重莫窮西河太損神

燕山九弟

英年任俠劍飛虹一蹶青雲歎數窮王謝門才增變格儒衣僧

帽道家風

松筠五弟

出都前日寄魚書鶴俸分將奉使初近喜西江老從事督輸

丹詔賀新除

可愈六弟

賃居誰諒伯鸞貧八口齋鹽更累人深感豚兒勞獎掖居然雙

採泮宮芹

吳曉廬孝廉

心豔于公治獄寬漫言績學法申韓舊攜書劍雲中客連幕還

欣旅硯安

黃培之茂才

咏梅秀句寫冰紉綺障難除笑嬾殘何日探幽山水窟兩枝筇

竹叩田盤

詩僧慈海

巴雅斯胡朗上月夜寫懷用黃仲則秀江夜泊韻

溼霧冥濛際絕無松與杉綠蕪山帶市碧宇月輪嵌霜嚴偏欺



鬢鶴香尙染衫菜園羊踏破夢訴老饕餮

左右翼總管布彥博勒格爾等恭進馬五百匹喜成  
五百龍驤齊進入三千虎旅助驍騰邊人効順紆忠悃馳奏  
彤庭寵眷膺

查驗左翼馬羣還帳中作

木癭香泛淺甌茶樞謁笑官意孔嘉帳幄千重嚴壁壘驍驍萬  
匹燦雲霞析薪燄起沙痕雜數馬聲高帽影斜自笑罔卿真鑒  
少舉肥老眼炫生花

察罕鄂壘道中

漫云雁塞景荒遐野曠天青信足誇深澗細盤雞息草平坡齊  
茁馬蘭花奚奴調駿乘朝爽牧豎騎牛對晚霞幕遷移無定  
所泉香沙暖卽爲家

重至咸安寺題西禪舍

可窗螺黛翠雲蒸  
小借僧廬榻一繩  
壁黯舊詩驚墨淡  
紗籠妙繪少塵凝  
適符甲子余生晚  
恰值壬寅我到仍  
笑指訶林雙樹影  
後彫松柏勁同稱

客有以雞豚爲贈者  
命畜之  
甌廬外夜聞雞鳴喜而有作

龍荒有客贈雞豚  
樹柵安栖且莫論  
午夜鷄聞聲臚臚恍疑帳  
外列煙村

過察罕鄂壘達板作

碧草漫遙岑  
中間黃一線  
升高渾不覺  
積漸陟雲棧  
天空圓笠垂  
瑟瑟風吹面  
白雀掠眉颯  
黃羊繞足竄  
紅日耀當胸  
青雲淒沒  
軒轅彼顯位  
躋旁觀動欣羨  
置身闔峯顛  
回眸已何見  
翠巘

三番登塞垣吟賞徧中年摹蘇黃排鼻句烹鍊兼愛玉溪生獺  
祭敷藻綯已亥星軺經希聲耽古澹太羹元酒味雋永耐咀嚙  
竭來歲在寅鞅掌復乘傳眨眼歷三秋奔駒驚抹電江淹歎筆  
枯謝客慨游倦直抒胸臆詞天機妙獨擅老儆張空拳詭云託  
白戰唐宋界不分打油俚歌半塗抹嬾推敲惟取意適便聊爲  
記里鼓敢云元白殿真率自家言騷壇讓人建詩情隨境遷詎  
比柳三變儻質大匠門開帙一笑粲

晚宿右翼喇嘛寺

嵌空樓閣具莊嚴蛾綠周遮繞畫檐時過端陽當夏半纔開白  
芍映湘簾

音圖早尖

白露重如雨泥香不動塵沙銀融處溼嵐翠潑來勻地僻詩難

寄心殷夢不眞龍荒路遼闊行有到時辰

六月初一考牧差竣會同仁山都統右亭副都統具奏

右翼牧馬孳生蕃息開復翼長巴圖孟克及牧長玉

木楚木十四員頂戴由張家口拜摺後還京喜成

市月龍荒考牧還一封馳奏覲

天顏恰隨虎旅驍騰隊

廿九日察哈爾官兵調赴天津防堵起程

久別蛾眉侍從班

黃鞞嬾攀官驛柳青垂回睇塞門山關心海溼鯨鯢逞命將驚

聞

詔履頒

聞天津有警書佩欽差大臣關防前往防堵

上命賽鶴汀尙

余游雞鳴山夜歸寺僧善賢淨脩執佛鐙前導行至山

半恍惚中覩金甲將軍高丈餘牽馬立於道旁倏忽

不見或山靈見佑衰朽示見護持欽感之餘作此以

紀之

蘇公出守膠西日海若憐才見蜃樓何幸山靈潛佑我恍牽神  
馬逐山陬

居庸關

亂石原無路崎嶇就裏行雷霆雙轂擊琴筑百泉鳴古壘雄猶  
昔危陁冷得名漫誇天險設宗子實維城

青龍橋

柳老空心炙泉淙繞足奔問橋何日圯古佛默無言

關前得家書

平安一紙託奚臧披讀開緘喜欲狂雙採泮芹齊秀掇雲程得  
路此初桃

二兒慶福歲試列高等三兒崇福入泮

雨中自沙河晚發

鐙前盥漱倒衣裳考牧遄歸喜欲狂野曠塵清人意爽泥融沙  
淨馬蹏忙螺峯潑翠雲添暈驛柳梳煙雨送涼溼透製衣吾不  
悔絕勝觸暑炙驕陽

自題詩卷後

模山範水日吟哦一硯將穿鐵亦磨擬贈涪翁舊題句愛公詩  
好又能多

結束蒙茸五日程腰韉跋馬指開平浪傳風月乾吟筆詩似山  
雲觸處生

余自開平考牧還京所乘之馬緣炎夏趨程過勞憊甚  
途間中暑病臥不克隨行因交老僕趙璧啗以藥餌  
養息於南口旅舍登車時馬忽長鳴似有依戀主人  
之意紀之以詩

四萬驂騑藻鑒空雄姿爭及此花驄纔經紫塞艱辛歷忽訝黃  
茅瘴癘蒙調護且依蕭士僕驕嘶猶戀主人翁廿年驅策情難  
割駱馬楊枝悵別同

還京市月公私粟六久未搦管詩興索然

鬧雲冠蓋踏泥青市月勞薪歎未停久已廢書迷簿領蛙簫蚓  
簫不堪聽

新霽

午雞曉處困矇朧初霽推窗眄碧空柳巷泥深三尺雨花籬香  
透幾絲風談禪喜與高僧約琢句羞多往哲同竿濫馬曹縻歲  
月依然經世百無功

游古承恩寺聞老衲玉天話古蹟

沈寥高宇趁秋晴委巷衝泥詰曲行古寺承恩遺廢礎

舊聞載王恭廠

災寺燬老禿玉天  
云今石礎尙存伽藍劫火記春明屋山扶荔當窗立牆角秋  
棠帶露傾驄馬不來局白板石牀苔繡上楸枰  
初云文御史常  
習射城西  
久不來游

石鐙庵與明申長老相晤偶題

傍郭尋唐寺楣顏認石鐙

先皇稽古力法物訪聞曾

僧明申云嘉慶十六年  
直隸總督溫承惠查古蹟石鐙惜久  
湮沒無存矣松竹通禪味圖書養性靈  
明申能賞鑒古書  
畫其徒如慧工書夕陽雙樹

下清話對癯僧

一笑逢居士披裝合十迎佛慈真有道僧靜若無營茗味輕圓  
泛書家次第評菊芳商後約雨膳飽香杭

秋日訪太平湖順道至大士庵觀鐵佛相

一灣激瀼城隅抱柳色波光碧映裾石埭漲喧秋雨後豆棚花



媚晚風餘庵殘鐵佛猶騎象

大士庵已傾廢有鐵鑄文殊普賢相

府近牙兵慣釣

魚

湖近貝勒奔繪府第包衣兵丁時常漁釣湖濱

如幄濃陰窺淨綠他年招隱結精廬

楊滌雲閣學以肥羊一牽致湘林侍郎邀於八月二日

庖羊以佐小飲滌雲忽抱採薪其說遂寢適余入直

六班接閱小簡戲作此篇以貽湘林並贈滌雲閣部

和之

秉節歷開平考牧幸無過紫塞浩無垠草蕘迷堀堞法羊事供  
給日啗療飢餓臍神夢來訴蹴踏菜園破前滌芻豢腸月食鄙  
慵悞今晨直五雲垂紳態矜嬌無端動食指拉伴飲作賀肥羜  
羞珍庖韭花香味佐侍郎抵掌談雄詞驚四座約共老饕嘗簪  
盍朋附和吉協宴需雲儼然大酺作飲食歎緣慳中道議忽左  
學士抱採薪河魚疾堅臥是以不果來漫刲羊一箇處儉笑馬

曹遇事胡坎圻因思飲啄間定數所關大不見宋華元饗士柔  
毛剗斟也食不與蓄怒軍威挫更有魯沈猶飲羊率人幾聖政  
感化神譎張罔敢播慨食百饗殖浮生等旋磨賤爾飲食人貪  
饑太無那詎識有前緣枉將虛自課後約訂嘉招泚筆雲箋浣  
伫待月輪圓天香雲外簌持螯挈玉壺團樂品字坐期不負此  
腹珠璣生咳唾未知然否乎咄嗟辨毋情

秋日偶成

金飆薦爽已涼天薄宦還驚節序遷畫簷端須拋楚竹絮衣應  
早備吳絛梯雲翠麓偏無暇醉月桐陰恰有緣兒女青紅娛老  
境踟歌齊盼桂輪圓

澄齋夜雨偶成

傾耳蕉窗浙瀝聲清宵敲枕聽分明秋澄孤館愁無俚寒戀重

袞夢有情涼逼虛檐當靜夜響沈深巷間疏更侵晨入直虹橋  
路綠漲玻璃一鏡平

檐鵲和東坡郭功觀子畫鵲有感舊韻

摩天黃鵠技稱奇振翼剛風未易歸羅畢不罹毛羽潔搶榆猶  
幸是卑飛

抵玉銜環品格奇雕陵何日便言歸萬花攢錦春如海莫逐顛  
狂鳳子飛

十月初八日六班夜直不寐披衣靜坐有感日昨西淀  
僑寓被偷兒竊去衣物防閑過疏又復誰咎挑鐙炙  
硯信筆書此長古兼誌吾過云

玉蟲紅細銅荷綴雲母窗虛光乍掣五雲入直夜未央潑水青  
綾冷如鐵風遞虬鐘韻遠揚簫唱雞人聲外徹貔貅戴甲護天

闔魚鑰千門深局鏑高城燕子飛莫踰禁鎖鵷冠排就列正襟  
危坐默凝神驚憶前宵事奇絕趨公挾被住西園挂月愁村遭  
鼠竊無端肘篋一掠空故物青氈怎區別次孫已歎副衣無張  
奐徒矜令譽揭蠟屐應難陟玉墀披裘那便朝丹闕財耗偏逢  
處儉秋何異嚴霜加積雪畿輔頻年屢告登宵小緣何肆饕餮  
地當清切傍華林羽衛森羅環閫闥豈期暴客竟穿箭邏守牙  
兵殊玩泄司寤掌夜職攸歸弭寇詰奸責綦切犬能守夜雞司  
晨汝曹竿濫庸休說區區瑣物何足較俗敝民偷憂輜結緬懷  
渤海治還醕枹鼓無驚亭障迭野多讓畔化本神路不拾遺習  
修潔莫怪星躔張角逢汝自慢藏胡詆訐揭來宿衛近薇垣允  
宜夙夜勤稽覈盛服宜遵趙盾恭高眠漫學袁安節亡羊補牢  
見惜晚盜逸關門計尤拙冰淵獨凜敬常存圭璧束身無玷缺

作歌誌過戒將來凍研頻呵霏玉屑

冬月十一日偕內子夜話感懷作

木葉黃落天隕霜颯沓撼屋驚飈狂塞向墜戶效雌伏元冥司  
令寒森芒溫鑪熏油瘦腰沈柔毳稱體叔子羊蒙茸豹褥敷坐  
具綺閣幽邃恣翺翔室人夜話翦窗燭交徧謫我庸何妨爲言  
朝京馬曹冷出少冠蓋居乏糧不見寅僚致通顯鴻毛風順看  
輕颺三考詞臣陟臺省嚴疆秉鉞勤河防夫子服官四十載中  
外宣力清名揚恪恭從政趨瑣闥長身鵠立隨班行風饕雪虐  
事鞅掌三持使節巡龍荒罔卿又復五年莅貂敝金盡鬚眉蒼  
終南徑捷眾蟻附夫子獨嘯盤阿陽日月已邁老將至致君毋  
迺術未臧我聞絮聒笑莞爾巾幘識見殊庸常事求速效定不  
達鞠當晚節花猶芳行藏有道古垂訓富貴在天曷可忙不知

許事且飲酒牀頭  
蠶釀出所藏青紅兒女勸繞膝團欒家慶祝  
壽康百日之蜡一日澤餽釘梨栗斟壺觴韜華聊復樂吾志明  
日典裘朝廟堂

夜宿大樹庵和壁間戊子年舊韻

披袈緇衲喜開顏  
闌寂精藍靜若山  
挾被漫言居士逸  
圍鑪深羨老僧閒  
壁間澹墨詩猶在  
庭際疏林葉半刪  
五字湯休味禪悅  
圓靈心印月明還

虬松鬱律對蒼顏  
扶藜青凋露屋山  
鏡面冰寒依舊結  
輪蹄火熱幾時閒  
靜緣每向忙中締  
妄念多從定裏刪  
檀越頻年疏過訊  
未參玉版漫言還

感塞外故人

英年傳古善推囚  
磔鼠華堂智夙優  
密贊同心纔紫閣  
投荒翻

手卽崖州身名瓦裂千金璧山勢冰消萬戶侯報國當時殉  
嶠三忠俎豆祀春秋

二犬

鎮日相偎臥錦茵毛香足淨絕纖塵琴書典盡奚奴走元自殷  
勤戀主人

韜華館冬日靜坐感成

狐貉裘輕稱體溫八瓢影漫度朝暾微名奢望傳千古同氣傷  
心半九原崧亭十弟松垞五弟連年辭世不勝傷悼今惟餘燕山可盪暨余弟兄三人耳鬢訝霜添春  
不釋事如風掠水無痕儻來富貴浮雲視靜泰清虛道自尊

七姪延祥百日孝滿易縞素來見淒然有作

百日去如瞥雁行悲序殘辛丑三月廿六日十弟崧亭辭世今歲壬寅八月中秋日五弟松垞又復  
病沒憶之不勝愴然麻衣汝今脫雨淚我猶彈弱稚伊誰怙齋鹽日給難

拮据同嫁女此責未應寬

松崑有女甫十一歲將來聘嫁余何能辭責焉

### 寄燕山弟和東坡九月微雪懷子由第二首韻

案頭幾番雲藍疊莫罄離悵萬里心  
竿濫承明才恨淺策籌海  
濫慮方深

綸宣金闕司喉舌秩進銀臺耀紋簪

時余新奉通政司之命

國是關懷同

盼切南夷永靖獻其琛

雁行中斷傷同氣

天問垂憐淚滿膺

十三日召對蒙十弟岳良辭世頗悼惜

上詢及

一室蕭條憐弱息

多方慰藉念良朋夢榮春草池空憶會插秋萸嶺獨登寄語令  
原期共勉撫孤仨爾報書膺

清卿處儉逋客磨集不得已向富室告貸鮮有應者歲

暮感懷爰硯書此並邀梅峯比部

那幾

和之



臘鼓製製歲序閑監汜貨粟走踣踣雄心凜凜超羣易妙手空  
空濟眾難姑櫟聲華清有味索通鐙火開無端貂裘漫質長生  
庫畱待朝正禦峭寒

同懷弟法良校刊

男崇福謹校重刊

抱冲齋詩集卷三十

長白 斌良 笠耕

二臺供職集一

新春四日喜雪

梅籜料峭覺寒輕  
夜雪連朝積素盈  
老眼生花空有暈  
亂瓊委佩積無聲  
瑞符三白應歸臘

次二日立春

春釀千紅候快晴  
篝火命觴披鶴氅  
銀臺高步稱嘉名

讀宋史有感

不惜金縢億萬輸  
權時和議解軍符  
熊羆戰沒淪忠骨  
燕雀安居蓄禍樞  
弭敵倘教誅佞冑  
戢兵奚必走烏珠  
鬼章肆惡中原倣  
蒿目羣黎困未蘇

新正九日游華真觀訪裕泉禪師時上人菜圃新築看

荷水榭頗饒煙趣率成八詠

衣錦朝

天暇腰金照地光川流來浩浩歲月去堂堂開土履

綦集山緇應接忙慈悲憑佛佑周甲尙康強

遨頭游興早蕭寺偶徘徊選勝人停轡攬袂衲下階龍團佳茗

淪鵲尾寶鑪煨簪甚銀臺使衝寒肯獨來

精舍凌虛構端宜納晚涼低頭窺淨綠對面覲崇岡藤蔓秋蛇

綰林圍翠黛長桃花潭漲暖垂釣下魚梁

豆腐容小憩把臂晤鄰僧

是日遇萬壽寺侍者慎義并問訊體燦大師

無竹令人俗

舉芳似我能坐敷清淨具心印妙明鐙商略花時節扶筇興再

乘

苔碣摘宸翰鐙船戒泰奢

匯通祠

御製碑詩言明季

貂裘

看走馬草屐罷撈鰕雉堞涵春渚龍祠枕暮霞受茲安穩樂偏

屬梵王家

清話佛香中參茶潑乳濃春歸沿岸柳風遞隔湖鐘一紀違蓮

界三毫認淨容

壁間懸裕泉和尚小像

如來天眼豁晴雪積西峯

雛僧導登閣甲第望非遙

觀鄰德貝勒府第前歲府殿於歲火新築臺榭呂祖閣皆可望見獻歲

堂新築方春土尙焦松棚立雙鶴花島聳單椒鎮曰局朱邱風

光久寂寥

貝勒侍直圓明園寓西海淀府中終年局鑰

荷風吹曲檻鼻觀妙香聞待到清和候相招大雅羣據梧還聽

講煨芋細論文柿葉閒題句簾開未夕曛

正月十二日至西淀訪溥泉侍郎

善齋

小山尙書

恩桂

星泉將軍

璧昌

暢談竟日晚歸作

古淀千盤轍迹周茶緣多爲故人留雲邊蟾魄將圓滿斛底鱗

紋恣拍浮熊耳峯高齊卸甲鯤身島窳又移舟

將軍西征著績近奉諭旨移

鎮閩海將軍祇因傾蓋回車晚漏鼓統如夕未收

偕湘林少農借秋卿太僕齡鑑園亭邀星泉將軍右亭

副都統小酌世蔭堂卽送其之福州將軍都統新任

畫圖喬木鳳城偏折簡嘉招意更便乍挹風光題句雋夙培花

木入春妍簪聯舊雨傳杯曄賦屏閒情罷管絃拌費俸錢過十

萬菟裘營就靜延年

敢道劉盧屬世親萬蘿松柏兩相因登堂介壽遲三日十四日

辰余因入直六杖國耆英集四人湘林秋卿星泉余四人詩虎

班未及來拜祝酒龍春不老雲階月地景常新在前深媿秕糠鏡伯重通才久

軼倫秋卿接予太僕卿之任

節度巖疆懷仲氏謂怡悅海防籌策近如何承

恩玉葉聯宗派右亭係話舊金蘭貴切磋鹿港機先惟扼險麟

經師克在能和早紓 宵旰鯨波定拭目凌煙繪像多  
白衣蒼狗幻如雲翦燭深談倏夜分重綬伫除新使節油幢特  
拜上將軍輪臺夙懋籌邊績閩嶠看銘靖海勲垂老功名須努  
力歌驪遮莫感離羣

與前鋒統領西齋富僧德偶談川楚滑城軍事

矍鑠猶誇老據鞍談兵袒示箭刀癢瓣香南斗長生注助翦鯨  
鯢靖海瀾

春日游天王寺

二年未踏此精廬開土行蹤比竹疏世事無涯來滾滾禪心不  
動妙如如隙駒光抹巖前電春蚓形紆壁上書腰笏承明得清  
暇攜壺來訪杏花初

詠黃杜鵑花

中央色比菊延年躑躅紅休認杜鵑望帝魂疑青鳥化莊姜愁  
詠綠衣偏纒垂直裰腰圍細山映斜陽額角妍簪弟梅兄羞避  
面妙蓮光借燦金天

通政司收本後步入登聞院

銀臺勘本竣覈政向丞掾老役作前導走覓登聞院衙窄礙雙  
肘路轉縈一線蓬蒿漫瓦溝塵壙積石堰突兀屋三楹蕭涼如  
佛殿鴿翎庭心飄蛛網檐牙冑鼗鼓設中央高架支撐便年湮  
半剝蝕金碧減彩絢百巾釘半脫五朵雲猶炫鼓皮面繪雲五朵邏守  
有聳丞於茲聊息燕爲言當勝朝高衙久營繕清切傍宮門冠  
蓋過羣彥取易達民隱敲擊聲聞徧覆盆期立雪速付曹司按  
國朝復改作築牆界疆甸前明登聞院在西長安門左國朝界以朝垣署在牆外地轉荒僻  
直省之叩關小民多向都察院申訴此院遂成虛設矣遂令軒豁區更易規模旋地僻闕

無人羅雀依門扇古牙信湫隘遺制誠佳善一鳴動

九重

天聽卑斯驗森嚴闢四門

帝目朗如電惘瘳在抱殷洞燭羣情見民俗近澆漓淳風旣多  
變譎張半鬼蜮健訟賴蠶煽訴牒楮葉紛喧呶日無倦空堂雖  
鼓設久歇殷雷填何不屏徹之虛文奚足羨緬惟古虞庭斯職  
膺納諫清班喉舌司謀猷資翊贊時政雖少易舊章難驟換告  
朔愛餽羊聊存遵紀傳

將旋

諸將南征甫錦旋居然跨鶴與腰纏恰符范液嘲純句但是禪  
兵總有錢

夜宿朱氏小寓聞開口流水聲潺潺喜而有作



瀑直趨華林賃居聊挾被統如漏四下玉蟲垂一穗春寒潑水  
如輾轉不遑寐喬林息鴉曉曲巷少龙吠有聲自南來冷然入  
涼吹枕畔落琴筑彷彿宿山翠年來戰紛華朝正走車騎爆竹  
祀神祇笙簫宴朝貴青紅羣稚喧鏗戛衝牙萃霜外吼蒲牢塵  
中馳錦轡石鼎蒼蠅鳴茶濤聆簫沸坐隱對彈碁落子破濃睡  
一切微妙音聞根聽悉備獨此流泉聲能引清淨退潺湲斷還  
續風雨來疑未想見琲珠旋晶簾掛川媚頓興招隱念欲適槃  
阿窵游巖松石朋鑿坏遠逃避至人與天游肯爲形迹累卽境  
悟香禪心清得閒味

二月初六日 文華殿

經筵侍班恭紀

文華春仲

御經筵

天語親聆奧義宣千聖緒垂承道脈百王治統契心傳修齊理

密當躬驗莊敬誠孚眾庶先

是日經筵卓協揆秉恬講四書修己以敬章

乾惕君臣

共交倣仨調玉燭照垓埏

賜茶宴恭紀

文淵祕閣倣眾愚鵷鷺肩隨陟玉墀鷹爪香霏羣列拜

龍顏喜溢侍臣知甘侔溼露欣均渥象協需雲正得宜職忝納

言無寸補微臣何幸與榮施

讀洪稚存附鮎軒集偶題

奇才能使筆縱橫祕蘊沈雄造化爭燕瘦環肥身合度韓碑柳

雅體兼并學崇魯望羣情驚詠匹齊諧眾目驚等是朝京輭紅

住韶年惜未結詩盟

嘉慶年間同宦京都彼時惜未往來酬唱

過御河橋值大風作

羊角風狂猛於虎撼屋勢張殊莽鹵下帷袖手我猶寒策騎衝  
颿僕偏苦驅羸駛過金鼇橋浪高鳬頂溼花飄延緣圓殿聲聞  
異天半松鳴謾謾濤

春日大風入直偶然有憶

質明入直何蒙茸林梢魚尾朝霞紅春寒料峭襲衣袂吼聲如  
虎來狂風長空大塊噓噫氣蒼茫誰識神靈意塵影攙雲直上  
天颿力吹人欲離地驀然搔首發奇思紫綬鯨呿駭浪馳餘皇  
萬斛俱掀覆效順波臣殄逆夷

春日書懷

暖風莫釋鬢霜侵心緒柔枝未穩禽建茗閒烹侔碧玉谿藤徧  
染抵黃金

近頗多購  
予書者

挾貲有客梯榮急處儉無憂入道深放眼

乾坤亨

二月十七日由水磨村入城途經萬壽禪寺入寺小

憩體燦禪師方丈僧愼義導訪七松古迹並約清和月佛會來游因題

清和修禊事圖憶上河游衣鉢師徒集簪裾士女稠客貪齋食

施衲喜親錢收穀乳驚彈指韶光似水流

曉經西便門轍痕遵遵迤韡紋吹微瀾帶流雨芳芷闌背激奔  
湍脫殼迅莫比翻浪戲鳬鴨白毛蘸綠水險啁覓娵隅幾曾食  
魴鮪輕車隔坡陀波聲尙盈耳萼蒿努青芽緇桃綻紅觜雖非  
修禊辰清景亦可喜高城肖山屏延緣行數里路入宣南坊眯

午夜赴西淀瀑直途中雜詠

火熱輪蹄急曉程道傍鐘響關車聲眞儒古佛同修詣就裏閒忙各繫情

宰相曾傳列火城誰然松炬導騶鳴一丸涼月明如畫省卻絲籠炙燭行

趨公匪懈敢遲回秣駟呼童午夜催舊說聞雞起興作未鳴雞候我先來

四月二日游崇效寺看牡丹

風光峭蒨數西城林靄飛花樹繞鶯野水平橋村隴遠古槐高柳寺門清尋芳約踐剛逢伴搜句功深合有名雨露榮滋花事盛雋游亦足快平生

四月初六日冒雨至東花寺看牡丹靜觀堂偕超塵長

老茗話晚歸作

看花冒雨閒蹤少曾記年時發高詠舊吟長句今見之直爲尋  
芳踏泥淨柅車穿巷出重闌沙路鎔銀輭紅定敲岸枯槎柳耳  
生拍隄膩漲蘆芽迸翠鋪畦麥翦羅紈紅亞汀花倒匳鏡幾番  
攬轡戒僕夫要領風光徐引勝罪微不惜點春衫油蓋憑誰遠  
相贈塵中華旒眾爭趨物外清游誰復競遙瞻蘭若紅牆外近  
接松幢綠雲併棗花秘靜悅聞根蓮界清涼見真性入門羈戀  
樹交枝掠帽低妨躬折磬金地樓臺寶相殊瑤池富貴嘉名稱  
鞋紅歐碧漫評量玉樓春盎深叢螢暈溼胭脂意態穠綽約仙  
姿鬪妝靚恰無癡蝶鬧成團雅有鳴鳩滿清聽繞欄百巾步遶  
巡衣袂蹁躑馥猶賸扶策徘徊興未闌西來閣畔珍藹映看到  
子孫能幾家佛廬翻比朱門盛山緇邀我喫茶禪麈尾頻揮恣

談柄廿年抹電剎那頃蒼狗白衣多徑庭青鬢蹉跎霜鬢加泡  
影六如何究竟年來檀越履綦疏孤負清和好時令封姨連夕  
遲狂顛十分花事三分賸天惜芳菲釀薄陰公游稍晚時難更  
況饒古蹟多舊聞桑梓流傳必恭敬夙題佳什籠碧紗新舍唐  
碑嵌石磴風流二老憶朱王曷建騷壇旗鼓並無那朝參有底  
忙玉版香禪向誰證偶得浮生半日閒一洗填胸五濁淨行廚  
櫻筍擬開筵拉伴提壺結詩盟書屋聊記雪鴻蹤敢鬪精嚴筆  
鋒勁

夏日曉起寒甚

入夏涼如許晨興尙著絳窗延綠陰潤風捲白沙旋選勝遲金  
勒沾春泛玉船近郊甘澍足景物倍鮮妍

家藏書籍已久蠹蝕塵埋頗多殘毀命奴子稽其卷帙

稍稍整齊作歌紀之並示兒輩

元載胡椒八百斛石崇珊瑚七尺強食貨人生各有癖嗜好雅俗殊難量我生膺世胄綺歲席豐還履厚好尚眾不同炊經酉史研魚蟲龍威藏姬媵祕三倉廣搜二酉剔傾囊購買不論錢牙籤玉軸羅紛然趨公無那閒蹤少蠹蝕蟬穿徒恣飽三食神仙脈望能吾儒何不深研討我忽發箴言四座聽休訝世間澤古總虛名書不填胸惟插架填胸實濟播經綸插架虛排等席珍何異洛陽老書賈縹緗充棟蒙埃塵今朝風日逢暄暖幾度呼童勤檢點細排甲乙效編摩不恤浮塵衣袂染秩然暴藉旭日遲甯數鄴侯三萬籤雖無撐腸拄腹五千富居然百城坐擁真尊嚴舉世所寶惟黃金要津攫取力足任好書須待十年讀一朝強記胡能熟囊螢映雪羨前賢勛符城南笑干祿老諄豈



不念子孫真味書田貴菽粟我今作歌呼兒儕漫輕蕭齋故紙  
堆經天緯地道統治傳心微吁嗟乎經天緯地道統治傳  
心微藏書貴讀休疑猜

由西淀至城南訪友路經善果寺小憩卽題雲亭方丈  
壁

新薈郊原翠雨凝瘦槐礪礪冑長藤游來意外饒奇趣閒向塵  
中揖老僧廊塑阿羅成幻相甌含梵夾印心燈燕都蘭若探尋  
徧粉壁畱題記此曾

禪鑽

名藍四百探尋徧佞佛人嗤周顗然寄語銀臺須子細慎防自  
售客禪鑽宋呂獻公喜釋氏之學性簡靜人罕接見唯談禪者  
鑽余性好游蕭寺故戲及  
之悅見劉堅說部精華

端陽後一日自六班入直還家邀同白輔廷都護冒雨  
游華真觀後圃飯於竹庵欲過匯通祠瞻禮未果卽  
題裕泉和尚方丈

游興今年一倍豪衝泥不憚馬蹏勞溼雲濃潑金壺墨細雨橫  
吹碧澗毛見慣鷗羣渾不避行過漁隱適相遭紋簪偏有山林  
癖蕭寺評茶聽翠濤

茵閣凌虛寂不譁俯窺淨綠拓窗紗新荷冒水千規貼細柳疏  
風萬縷斜小坐能令塵洗滌頻來轉覺景幽遐梵音微妙聞根  
悅湖岸疏鐘一杵過

竹庵閑寂少塵侵一鉢伊蒲感惠臨入畫漁蓑沙際泊壓牆螺  
黛雨中深閒官曾歷煙霞窟余嘗游房山諸名勝老衲能空去住心帝里  
歌鐘千萬戶阿誰扶策肯相尋

冠岑松栝指叢祠欲往從之隔水湄秀句自應推白也輔廷亦能詩  
清歌漫憶比紅兒過橋杖履龜魚識入社襟期鸛鶴知把臂遠  
公商後約荷芳烘錦月圓時

五月十日邀同楊墨雲少宗伯陳子鶴大京兆齡秋卿  
太僕固蓮塘都護小酌於華真觀後園飯罷登呂祖  
閣並至匯通祠眺遠日暮而歸作詩紀事呈諸公和  
之

選勝剛逢爛漫晴綠陰如沐水澄清閒邀北闕金貂座來餉東  
坡玉糝羹蘿壁行看炎景卻竹籊坐待嫩涼生緯蕭漁屋湖堧  
路倚郭風光似出城

碧紗窗子嵌玲瓏近挹荷香水榭風波鏡倒涵山影白林霏微  
露寺門紅蘭交契洽言尤密榴節花明酒正中羣展聯翩疏禮

數勝游難得五人同

茶餘登閣共相羊  
朱邱樓臺近可望  
石疊雲林開畫本  
禪參雪竇印香光  
名藍創始碑文贍  
保赤情殷佛意良  
更屬淨明師作導  
提鵬挈鷺陟崇岡

衲子披袈遠揖賓  
共盤風磴坐苔茵  
盪胸繞郭浮嵐重  
縱目黏天短  
薺均魚鑰乍收歸  
轡急鷗鰲初上棹  
舟頻柳湖松島饒  
幽致拉伴重來駐  
畫輪

雨後新涼題郭盒

雨涼庭竹茶剛熟  
風定窗紗硯少塵  
恰怪蒲榴好時節  
尙衣白袷著綸巾

端陽前書意

京官饒逸致  
翰墨度華年  
詩債隨時積  
書名到處傳  
桑腴收紫

蕤竹蔓走青鞭報道端陽近呼童計俸錢

雨後曉起書所見

院宇涼颼潑水如鵲聲穿樹喜相呼風光巧合張蠊句纖草牆頭綴雨珠

慈海禪師自金陵介春督部處還京贈子自書詩扇卽贈

細嚼梅花沁齒寒銀鉤妙楷寫冰紈五家宗派誰鐙續幸有彌天釋道安

幾點流螢透玉鉤煙花空復羨揚州姁娥未醒繁華夢猶照秦淮舊酒樓

鯨鯢跋浪逼金陵蒿目黔黎恨撫膺誰識琅琊開府地飄然一笠住詩僧

一葉蒲帆指石頭，袈裟橫互秣陵秋。  
錦囊句滿芒鞋破，不負江南半載留。

贈張詩船廉訪

中州秉臬廿三春，喜得長才作替人。  
忠信誠孚蛟鱷避，雲霄

恩渥羽毛新。

詩船因襄理東河壩工蒙恩賞戴花翎

欣無竿牘陳遮眼，羨有文章

著等身。魏笏吳楹看繼美，毋將詞翰掩經綸。

春明簪盞信前緣，丰度端凝貌似仙。  
往日同寅誰抗手，來年周甲未華顛。  
丹青擅美工誰若，元白齊名媿豈然。  
淪茗劇談鐙見跋，直廬昔夢尙情牽。

同趨丹陛列鵷行，佩紱氤氲惹御香。  
命繫蒼生匡救切，帑

當赤緊借籌忙。龍光笑止榮三接，

詩船已蒙召見五次

鴻獎深慚號五常。

舍弟燕山可盦悅亭諸承獎許

自簡外臺嘉會少，在公翻得共翱翔。

卷之三 七

上苑連鑣入直回披襟不速客初來冰清玉潤文相賞台坦陳嘉軒同

來京師鄉試 偕住寓國 島佛坡仙句屢裁詩友何古心唱和甚夥 捧集讀如風葉掃

席上詩船以新 歸鞭揮怕雨絲催鱸香先飲郁廚味曲譙荷簫

約再陪

先春館靜坐天王寺僧慧寬贈香朱白榆送雨前新茗

適至偶成

風遞蟬聲入碧紗閉門詩卷靜生涯閒官閱處多丰趣僧送名

香客贈茶

偶作

興之所到便揮灑寓情造化皆吾師折枝學寫畫屏畫掃葉快  
讀詩舲詩珊骨任嗤老梅傲玉性早具新竹癡山林廊廟本一  
致此意未遣兒曹知

過大樹庵有懷張詩舫廉訪即用其見贈原韻

事往同奔電前塵尚可尋  
游蹤驚去燕牋素學來禽黃  
檠通禪味青蓮淨佛心  
欲知交厚薄細繹碧紗吟

補竹

澹園竹韻齋千竿翠雲繞  
雕欄護蔥蒨靈石趁天嬌  
清風戛鳴玉苔蘚淨如埽  
扶筇日徜徉不待相請造  
勝侶嵇阮儔竹林迹遠紹  
年來戰紛華未暇尋幽眇  
遂令檀欒姿闌寂槃阿老  
斧斤任侵尋兒童厭奔擾  
狂折瓜架撐細斫竿裊一  
半化樵蘇篠簳惜枯槁  
芟夷復排擠孰憐君子少  
致彼素心人隱憂時悄悄  
小坐呼園丁乘暇過相商  
何以植寒綠側笠嬉晚涼  
汝代我籌之其謀須孔臧  
答云竹醉逾栽植恐不遑  
居不可曰無雖少庸何傷  
蘭成賦小園三竿兩竿強  
培根靜待時明年鞭走長  
清潤



借綠陰松柏攬鬱蒼近土乏泉源灌漑徒殷忙隆冬凜栗冽護  
持費周防而況燕南區迴異水雲鄉風日既酷烈地脈多礫疆  
質管植非宜遷地方爲良不如俟徐徐且挹蒲柳芳未知然否  
平芻蕘聊獻將搔首爲躊躇斯論當審詳

大地缺東南神妙貴能補女媧鍊石精彩色爛盈五袞服偶有  
闕職命仲山甫大局雖未完苴罽席夾輔何況竹木微刷根纔  
數武鷄軋羊車載蹢躅鸞翅舞清風到門闌翠雨滴庭戶稚子  
各拍掌擔負嗤莽鹵脩脩鳳尾拖乙乙鴉鋤拊火伴共端相肥  
瘠辨園土欄角幾叢添檐牙數枝聚斜陽飾曲徑輕颿掠遙浦  
老僕莞爾笑主人何自苦徘徊立中庭指麾儼部伍赤日透蕉  
衫白汗漬如雨時剛屆蘊隆神勞傍卓午頗聞淮安郡黃流議  
築堵焚樵葛束儲畚鍤千軍撫何不移經綸宣勤衛天府中澤

莫哀鴻羣黎沐恩普徒然在牖下憔悴溷傭雇所見何拘墟毋  
乃自招侮余謂長髯來子言亦有取達人貴安命順時集多祐  
我今宦銀臺司天喉舌吐是爲楨榦臣而非芻牧主且將濟時  
略聊作治家譜振頽勤礪乃菑畬黽學古馭下等兵操種竹猶  
人樹小試治安籌宇宙足仰俯

入直六班十七日

御門蒙

恩簡授都察院左副都御史恭紀七律二首

觚棱朝旭媚新晴人直天衢攬轡清風蹴鱗雲疑浪疊日晶鴛  
瓦趁煙明知時滴漏符銅晷應度鳴珂戛玉聲 勤政殿頭宣  
敕早柏臺晉秩沐

恩榮

半載銀臺愧素餐承

恩解多慶彈冠操持水似心源潔令出山行面鐵寒攻擊漫沿  
明習陋糾繩總冀

聖朝安楮邊

睿藻箴規切細繹絲綸載拜看

同懷弟法良校刊

男崇福謹校重刊

抱冲齋詩集卷三十一

長白 斌良 笠耕

陪都司寇集一

斌良奉副憲之命未及半月閏七月廿一日復蒙

恩擢盛京刑部侍郎二十日出都感賦

廿三載久事朝京疊奉 恩綸擁轡行迎面好山濃翠潑入秋  
時雨泥塵輕親朋祖餞聯歡伯兒女追隨慰老情車騎頻年太  
鞅掌者番况味足平生

道經慈雲寺晤修真禪師

喜晤山緇八十翁廿年相見面猶童劇譚往事驚彈指快覩新  
猷頓豁胸禪味早經黃蘗悟墨痕敢望碧紗籠鴻毛竟遇長風  
順雲海蒼茫指大東

過倉場節署有感懷那文毅公

鏗輪石路震轟然風景依稀似昔年  
不見當時桓彥範漕儲誰繼此公賢

疊雲謁堂兩倉督招飲卽贈

忝承丹詔詣陪都紅燭清尊饌客途  
絲竹華堂聆雅奏珍肴公燕飫  
郇廚解囊情重垂青眼治粟心勞半白鬚  
涼雨連朝送行客同賡湛露

主恩濡

燕郊道中

積潦匯成河淤泥沒馬渦峯晴雲已豁鈴  
溼響猶和傳舍連朝換郵籤取次過  
重來并三載風景竟如何

游邦均鎮天齊廟訪唐時古槐卽題僧舍

振赤馬巨篙撐遠埭卽須待中流擊汰迎曉煙迷嶺白初日射  
波明瓜蔓逢新縮桃花喜不驚裳褰人莫揭溜刷岸防傾鼓楫  
飄疑葉鳴颿響儷笙頻年馳紫塞何暇泛滄瀛妄作乘桴想旋  
叨秉節榮櫟檣蒙長養葵藿志據誠誓水心原坦觀瀾術未精  
乘輶時北顧盡室遠東征榆塞經千里松牌記幾程涉川期有  
濟賦海豈無情買棹盧龍郡羈懷橐筆賡

盧龍曉渡

盧龍山色淡橫秋立馬田疇古埠頭煙樹連天短於薺滄波浩  
淼接灤州

雙望晚發行石峽中亂石摧輪碎笥震耳夜深一鼓始  
得宿魯家莊作詩記之

雙望停征鞍夕陽曜山紫頓忘道里艱愛看清景美不丁入石

峽黝暗疑甕底卵石鏗鐵輪碎笥聲震耳山泉縱橫流深處沒  
車軌礧礧雜泥沙齟齬耿殘齒幸未折軸憂平安事可喜問途  
於已經斯言良有以冒昧貪夜行予心有深悔

夜行撫甯山中作

秣駒肥子國午夜速郵庚不憚崎嶇阻貪爲子行崇岡連軫  
度幽峽剪鐙迎莫辨昏黯徑惟聞碧澗鳴楓人巖石立山鬼辟  
蘿縈犖确鏗輪鐵颺颺捲轡旌溪危頻躍馬柳暗不聞鶯掀淖  
樂鍼勇憑嚮子玉爭層巒動鱗甲萬谷奏竽笙往日朝京住匡  
居頗適情金壺閒潑墨錦帳靜調箏不道關山越偏多嶮巖程  
蹣跚足雙繭逼仄肘孤撐頗具臨淵戒時深習坎驚高低難辨  
影輾輾但聞聲好向荏櫪宿宜沽濁酒傾

撫甯渡口

雙輪輕碾寂無聲沙漱鎔銀射眼明遠陌將窮臨古渡青山缺處露孤城

榆關驛感賦

偶息勞薪坐片時茅柴自酌酒盈卮低徊卅八年中事只有青山共我知

榆關驛題壁

七日去都邑山川匱帀連長征疏酒伴小憩結茶緣臨堠峯巔臨驛綱樹杪懸榆關渺何處指點暮雲邊

晚抵深河

一叢煙樹簇雲根指點深河古驛村準備巾箱檢袍帶明朝跋馬出關門

驚沙頑石兩相兼輪鐵愁摧屢戒嚴今日解鞍欣尙早夕陽紅



到酒家帘

驛柳

平楚碧無次清陰孔道沿驛亭舒矚遠柳色惜情牽席帽仍今  
日攀條憶昨年桃夭相掩映燕掠至纏絲夙種龍池畔偏移鶯  
堠邊絲長難綰恨葉密但團煙迴異隋隄植曾依漢殿眠丰姿  
王孝伯詞句柳屯田彼樹猶如此余懷益惘然久諳離別味慣  
結送迎緣翠汁宮袍染豐林客舍連鶯聲疏雨埭鴉點夕陽天  
近拂青油幕平分白打錢晚涼頻縹馬秋老尙鳴蟬濃淡旗亭  
接高低繡陌延橋橫晴壁絮徑僻輒鋪氈漫訝枝生肘俄驚雪  
滿顛露凝看濯濯月轉漏娟娟酒壓村頭店花紫渡口船雙翼  
常畫壁豔曲至今傳

抵山海關

天下名關第一雄崢嶸樓櫓倚晴空山屏帶繚千重帀海勢秋  
澄一鑑融遼瀋巖巖驅資控制甌閩估舶此交通兩京鎖鑰金湯  
鞏百二秦封詎足同

澄海樓

長城如帶鬱山盤一角崇墉海氣寒萬里青銅磨寶鏡層樓丹  
拱得奇觀接天渤澥原無極靖虜功名信覺難一瓣心香虔默  
祝鯨鯢永靖慶恬安

姜女祠

慷慨巾幗愧鬚眉姜女殉夫蹟尙遺禿樹號風猶似咽長城于  
役益堪悲不須古簡稽紕繆孟姜女本姓許陝西同安人其夫  
范郎于役長城姜女尋夫至此登  
山望夫祠側有望夫石又云姜女係華州杞梁之妻考杞梁春  
秋時人距嬴秦世代尙遠二說差繆但姜女尋夫死節大義昭  
然不必論其地之參錯也好使斯民則秉彝金鑄墨胎休比擬石貞神化

海東湄

出關中前所早尖

路出中前所沿邊土瘠境郵程圓墩卓海色片帆遙穠稔廣場  
積溝渠半嶺挑征袍欣已寄甯畏朔風驕

高家窪

山重水複一程程惻睇平皋眼倍明一簇碧煙團聚落星羅屯  
衛任縱橫

前衛旅夜感成

甕牖白穿千里月泥牆紅颭一篝燈雞聲未歇鈴聲動三十年  
前旅況仍

甯遠道中

出關寒較早驛柳綠將凋海色浮千古松聲歷幾朝秋晴行少

滯石出張全消幸有寒香友新詩彙筆鈔

謂吟橋

中前所漫興學西崑體

峭寒教試骨嵯峨月細風吹驛路過名繪誰摹蕭尺木豔詞漫  
學竇連波荒村慣見雞升屋善政誰聞虎渡河稍喜廣場堆穠  
稭甌窶願洽慶時和

將抵中前所用蘇穎濱北使舊韻

亂峯匝市環青靄碎石圓勻蘸碧溪細繹穎濱蘇子句移將風  
景向遼西

晚宿三里橋

獵獵金風吹帽斜石橋疏柳帶棲鴉望洋明日過山店可有蟹  
樓湧赤霞

明日望海  
店早失

白頭何止略知津又向山茨駐畫輪下馬征袍休拂拭襟裾猶

染 帝京塵

望海店書懷

野店官橋驛路分，潞河沙潑水沄沄。  
行來柳塞連榆塞，望裏山雲接海雲。  
駐馬空煩龍節使，防秋早撤羽林軍。  
鯨鯢盡翦須時待，他日圖麟好策勳。

晚至中後所雲氣瀰漫秋雨將作與吟橋旅話夜題

柳煙沙雨望中開，細水蛇盤九曲回。  
小乘代舟人竟渡，濃雲潑墨雨將來。  
淋鈴幸已攜油蓋，解轡還應醉菊杯。  
恰喜吟朋同結侶，記行新句夜鐙裁。

八月初一日甯遠道中接可盦六弟由臨清遙寄手書

喜成截句

木樨天氣正新霜，急足書來託雁行。  
爲念朝京資斧儉，朱提遙

贈壯行囊

督輸迴憶領三吳迭唱堦簾興不孤誰料簷窗佔畢者繡衣今

綰玉麟符

余於嘉慶間督輸吳趨弟可愈方肄業舟中

棣華迢遞遠相望遼海滇池並豫章但把循聲勤礪乃絕勝株

守讀書堂

燕山弟方總督雲貴

西江東道兩殊途宦迹萍浮料得無阿弟錦旋兄秉節洪都帽

脰望

陪都

錦縣道中遇雨

驅車向高原豐林忽失影烏雲挾雨來淋鈴度煙嶺逢背撒粟  
聲朦朧鄉夢警車盤淡煙中蕩漾肖孤艇荷蓑牧兒歸驅犢勢  
何猛鳴鳩遠相呼勢若相造請吾身如寄耳巨渤泛萍梗往者  
坐竹齋琴書幽且靜胡爲事長征經旬別鄉井雖然事鞅掌清

景尚堪領前店買茆柴小酌代佳茗

連山早尖

郵程好趁小車便水靜沙明曲瀨聯雨過殘雲歸別嶺村遙高

柳暗前川塞山還覓鵝溪寫旅況端須虎僕傳昔夢低徊猶記

憶持螯買醉菊花天

嘉慶十年余恭送 實錄過連山有黃肇雙螯紅滴酒者番孤負菊花天之句頗爲

成邸賞識倏已三十年矣

松山道中

戎衣有天下一戰古無前魚爛權歸寺 龍飛鼎定燕沙蟲今

早化壁壘此猶堅緬昔 興王會登臨益慨然

禿老婆店

數椽小店枕凌河禿人傳老阿婆鴉樣自憐堆鬢淺花鈿誰  
說駐春多驚乎來否頻增謔髮也酣餘待捲波涼透頂門無一

綰白頭種種奈子何

十三山站早尖

西風瑟瑟嶺頭村  
卓筆雙峯聳翠痕  
認取十三山站路  
萬家煙火簇雲根

晚過十三山站小嶺

寥泚秋光望眼開  
山村暮布綠成堆  
鈴聲搖曳斜陽裏  
魚貫輕車度嶺來

晚至頭台子和厲樊榭雨中過錫山韻

草窗臚膊雞聲聒  
急整雕鞍紅叱撾  
閩陽寥泚秋字涼  
席帽蕉衫教已脫  
旗亭殘柳黃四圍  
古驛遙峯青一抹  
大儀圓笠碧無垠  
縱目天容胸臆豁  
明朝選勝醫無閭  
鰲山雲溼氈褐

和周雨人題壁原韻  
雨人曾從楊侯誠齋出征西域



幕府曾參佐名聞月竊西雄心思射虎壯志感聞雞題句畱泥  
爪馳書走赫蹏青袍今已換遮莫欺羈棲

廣甯道中望醫無閭山作

奔載重來似夢中劈空千笏聳芙蓉山靈故把全身見淨埽雲  
無片翳蒙

晚抵廣甯追悼松垞五弟作

子季曾爲宰途經一愴神空縈池夢草又見月開輪松垞沒於  
去歲中秋  
弱息貧誰託休官志竟淪甘棠述遺愛野老尙沾巾松垞宰廣  
甯頗有政  
聲

醫無閭山七景

聖水盆

珉盤像蓮萼跳珠承瀑泉金匱銛漫刮玉液潔能前

蝌蚪碑

夏禹朱篆奇刊石棲霞麓如何蝌蚪文苔碑此猶鼃

道隱谷

鑿坏學肥遁結茆甘避俗味道冥隱心棲遲勝盤谷

桃花洞

絳霞烘洞口避世具仙根海滋環戈馬尋源自有村

呂公巖

東丹讀書處大壑響松風金鼎居然在巖胡屬呂公

雲巢松

蚪枝鎮攢擎濃翠團油幕天際片雲凝疑是冲霄鶴

曠觀亭

一笠象緯接石縫萬松挺卻立振天風遙對仙人影

十三山

威紆漲綠肖弓彎碌碡村墟翠黛環蜿蜒東趨青未了鞭絲搖過十三山

會仙石上小亭在鎮廟東偏行宮後園

大石峙乾方疑是巨靈壁渾淪太古遺雕鐫得階級中央似砥平一亭覆圓笠在昔有仙人手彈曾對弈至今苔蘚間尙畫楸枰迹芳蹤楚頌俾坐隱霜橘窄我來褰裳登商飈衣袂襲北鎮兀西偏丹甍炫金碧照眼醫無閭峯嵐青翠滴攬秀築高亭勝槩堪與敵

攬勝亭在北鎮廟中得傍

聖人居砥柱森然立

小黑山曉發

天圍圓笠青無垠扶桑日出光景新黏天煙樹短於薺在野牧

馬微如麝回看嵯峨埽空碧我昨於彼茗椀陳清游已歷尙夢  
想故人將見猶情親探幽絕險與未已銅鉦將墮催征輪錚鏦  
飛瀑尙盈耳清音信足怡吾神我與山靈閒有約山川祕蘊宣  
無因他時歸旅復經此擁裘再賞桃源春

胡家窩鋪道中寫懷

塞柳梳煙驛路長商飆作就十分涼黏空翠黛迎官馬比舍青  
鷺鎮佛岡連日郵程滯泥潦此官風格帶秋霜妄心難爲兒曹  
減棟韓同攀桂子香

小黑山眞武廟偕程吟橋小憩喫茶

遠岫橫排似畫屏豆房坐對可窗青茶香小悟聲聞果一桷風  
檐語鐸鈴

柳河溝地多沮洳旅人車騎艱於行走甯遠甯甯甯甯

新民四處之民醵錢助修石橋共成義舉乾隆戊戌

聖駕恭謁盛京路經其地特製

御詩嘉獎之

賦良

敬讀之下恭和一律

沛恩疊道欽遺制摘藻

宸章仰舊型細繹豐碑知

帝德流風野老亦須聽

晚抵新民屯

肩摩轂擊戶盈繁鎖鑰東都第一屯踐土食毛年二百方言猶

號是新民

渡巨流河

東平記共泛輕舫周甲重逢癸卯春

成邸於乾隆癸卯曾渡巨流河嘉慶丁卯余隨成邸

恭送

寶錄路經渡口王書

癸卯年作渡巨流河懷古詩爲贈已刊入抱冲齋帖中今奉命東來時又逢癸卯不勝今昔之

感陋彼公孫淵善戰高句驪久作藩臣

將抵瀋陽

柳驛松牌記不真數椽今喜穩巢痕路經滄海襟懷闊官到陪都氣象尊硯北重翻新律讀關東欣遇故交存承恩身任秋官肅姑嬖聲華要細論

八王寺和壁間唐人韻

鱗雲風捲乍涼天經版茶魚聒晝眠几湘簾精位置禪寮穩似泛湖船

白沙風捲淡如煙衣冷人人欲去船卻怪疏楊圍屋宇安排爐火佛鐙邊

彌勒同龕接淨鄰豆腐小憩絕巔塵菩提寶筏金剛杵一樣慈悲欲濟人

喜抵瀋陽城

門闌千里抵東京喜見浮圖倚太清桑梓初來心必敬崎嶇多  
歷氣猶平金蘭誼篤馳牋賀寮屬情殷負弩迎麟玉巾箱須檢  
點剛逢嵩祝慶攄誠

坐壺蘭山館書懷

陪都弼教湛恩承欲挽狂瀾愧未能要抑強宗期拔薤須操  
勁節勵條冰月懸水鏡澄無滓霜入秋毫健有棱久不作詩緣  
底事勞形竿牘暇何曾

重陽前一日偕凝齋將軍

禮恩

秋畚京兆

吉年

暨諸同

人小集慶立齋都護衙齋卽席

蓋公堂舊共畱遺指點夢橈尙繫思

立齋都護書堂極宏敞桑爲前常都護雨暝所築桑

梓鄉還聯杖履茱萸節近念壘簾金英籬畔花初綻玉漏聲中

酒不辭喜靖鯨波奠鴻雁何妨裘帶共委蛇

九月二十六日起吉林讞案凝齋將軍明鼎雲大農德  
遠村司空眷輔廷宗伯吉秋畚京兆相送邊門途中

有憶偶題

啟行先已邁元戎小隊弓刀也自雄  
凝齋將軍即於次日入場行圍竿牘略疏  
堆磊硤鞅塵復攬轡璵璣霜痕淡沲都黏柳雲意高寒總戀松  
輸與衙齋六君子半窗菊影話鐙紅

蒲河茶肆小憩冒雨登蛤蟆嶺

數椽茅屋矮拉伴結茶緣半晌神廬靜三時渴吻蠲絮雲穿酒  
幔鑪火颺松煙過客齊停轡村農細問年意行泥滑達倍覺路  
緜延腰箠穿林薄分筒飲澗泉螺紋轡翠聳魚夢浪痕圓霜樹  
珊瑚海濃陰瑋瑋天彼岡欣已陟我馬尙盤旋颯瑟風吹帽淋



滴雨滴韉衝寒憐僕從奉使黯旄旄令節當長至書懷詠短篇  
驛丞前負弩驃騎後垂鞭漫說長征累丰標信灑然

二十七日懿路曉發

凍地鏗輪鐵車馳轍少痕三竿初上日廿里未逢村颯襲重裘  
透貂緣大帽溫冰天遠持節霜雪黯征魂

遼河屯陟廷司馬

倭什納

同飯寫懷

皇華櫛沐厯艱辛千里星軺轉畫輪列幃寒峯渾似睡煦人冬  
日暖於春均田機要同心度詰冗爰書累牘陳連日商辦雙城堡移駐京旗各  
事宜日昨發宗室常魁及李宗成並參奏文稿及起程馳赴吉林各摺秉鉞將軍事秋獮旌麾想  
已渡蒲津

二十八日朔風作寒同雲釀雪曉發鐵嶺行次中谷和

東坡聚星堂雪韻

晨驅薄笨輕於葉馬踏冰嘶浪堆雪纏風沐雨感勞薪古驛衝  
寒路荒絕痛飆刮面冰滿鬢不待苦吟撚已折霜天黯淡日熹  
微煙渚威紆浪明滅草枯沙淨望無垠寥空鷲覩蒼鷹掣暖膈  
澆來石凍春名酒老眼何曾騰醉纈香尙幸吟侶偕爇燭雄談  
霏玉屑時內子由瀋還京小住復馳驅歲月奔輪去如瞥繡鞅程應抵玉田  
鐵

鐵嶺曉發

三聽雞聲唱遲行避嚴寒燈花紅尙結詩草字難安景借圖經  
考山當畫幅看行廚饒野雉旅食喜加餐

高麗站渡河

皇華奉使遙接軫繞山椒籬正開黃菊裘先換黑貂寒松依嶺

秀野漲帶冰漂吟侶時相顧無煩折簡招

八社道中大雪仍疊東坡聚星堂韻

快讀蘇髯詩埽葉吟成禁體剛風雪乾坤湏洞白彌漫大地鎔  
銀境清絕道傍古柳臥槎枒詎是前宵朔風折町疇高下眴莫  
分巖岫蜿蜒影俱滅隨車健兒繡襦碎瓊騎踏流星掣河帶  
紆迴白玉條草痕細綴珍珠纈行庖燂兔興偏豪茅舍烹茶眞  
不屑帽屋輕堆怕暖融氍毹斜入防風簷補盡人間路不平  
節谷填坑莽休說霜棱威凜漫相干曾領烏臺面如鐵

開原驛雪夜題壁

鹽絮糾紛雪勢龐爬沙聲急殷鐙窗避風煙篆香還直潑水衾  
稠氣未降厚積可能齊馬磨輕篩應已沒魚缸不知疏柳旗亭  
路容碾星輶畫轂雙

馬奇堡道中冒雪趨程三疊東坡聚星堂韻

蕭械霜林飛木葉遼邊恰值頭番雪乾坤恍貯玉壺瑩瓊樹瑤  
峯景奇絕尖頭茅屋凍猶勁屈臂枯槎壓將折掠地奇鷹氣倍  
雄跑空狡兔蹤全滅青騾蹠躩半凌兢難逐飛奔電光掣寒颯  
聲發利如刀輟疾塵容面紋纈手凍猶彈金鳳槽眼明驚碾瑤  
塵屑寥天漶奕勢方酣滕六凌霄散花瞥皇華遠出沐祥霽奇  
觀歸向朋儕說氈車閒詠叶宮商碎匄凍轍鏗輪鐵

威遠堡道中書意

今日寒逾冽重裘尙凜然新詩呵凍寫古墨帶冰研韻懶尖叉  
和茶貪薑桂煎泥牆題瘦句高詠館人傳

過二道河風雪漫天終日行亂山中車箱枯坐和東坡

過宜賓見夷中亂山韻

同雲翳寒空卓午未見日雪峯瑤玉屏晶瑩森立壁回視巖嶮  
途我昨皆親歷天地白無垠孤松挺寒柏氈車下幃坐澹靜意  
頗適如作平等觀羈旅亦安魄何須急前程徐行遵軌迹

蝦蟇嶺和東坡蝦蟇培舊韻

峻嶺號蝦蟇陟時維九月峯背雨淋浪似暮吐津液崕岨口翕  
張雙崖驚青裂驅車入幽峽恍穿蟇腹出翠薜漬斑斕脊凸濃  
翠色郵亭渺何處偃月一岡隔烏桓蟇蟻墳

張家口外那林果爾地界有土墳起

道旁繫繫土人呼爲蟇蟻墳

奇蹤庶堪敵

夜宿吉林棉花街旅舍書懷和東坡夜泊牛口韻

傲骨耐簸顛停車宿村口茅茨三五椽敲斜倚雪柳驛丞餽盤  
飧濁釀何須售鞅掌果何功食肉飲醕酒掾逢號三語腰甘折  
五斗信宿不暖席棲遲未云久行年已周甲肯爲紛華誘倚昇

重

聖恩姑槩清勵守幸契金蘭交諒直眞我友拔薤抑强宗勿徒事奔走

棉花街旅舍偕程吟橋夜話偶成

旅窗紅燭照酡顏密友論心氣誼關無那鄉思拋不得漫天風雪萬重山

枯榆樹道中遇雪四疊東坡聚星堂韻

行館烹茶燒榸葉連朝跋涉重逢雪寒村行旅范寬圖浣粉渲雲繪清絕衝寒東道驛使逢那有寒梅一枝折林霏嵐靄溼溼濛非霧非煙時沒滅檐帷雖事鞅掌勞文書且幸閒身掣風餐雪夜困勞薪錦污障泥帶凝纈板敲羣訝落稽灰路滑教誰鋪木屑玉池液漱胸盎然銀海光搖睛乍瞥遼邊眞景邀獨賞絕

勝道聽還塗說炕蒸鄉夢聽其零休怕寒威襲衾鐵

楊木林子偕陟廷司馬茹店啜茗

茶肆枕山椒風楊環四面蒙茸息征鞍小坐避雪霰松帶斷冰  
燒茗和涼雲嚙靜滌冰雪腸爲我求陽羨

石猴山風雪車中寫懷

關中山勢半皆童絕徼煙巒草木豐曲渚蒹葭波滑笏深谿松  
栝翠蒙茸車盤細路循前轍馬踏荒塍認舊蹤有願箋天約膝  
六還轅須待雪花融

石猴山道中

輾輓冰輪碾黃昏驛館投宵眠偎火炕晨爨啟煙樓負販皆狐  
帽偏裨半羈裘綺窗多酒甕且作禦寒謀

將抵葉赫書卽目

寒峯匝市驚颿冽古樹荒榛煙沒滅編氓村舍兩三家日暮人  
稀鴉啄雪

葉赫旅夜

古驛初來雪滿楹笠檐抖擻玉花輕山深僅有雉供饌村僻偏  
教鵝守更草閣論心聯竹素風鑪傾耳聽松聲郵亭詠絮饒真  
意不和尖叉亦有情

英額卜站雪中

臘雪三白盈地尺健驃衝凍行何遲雲衣早向屋角挂絮帽半  
向峯頭披氎幃狐裘猶噤痒羔羊素絲難委蛇遙憶木蘭冬狩  
者風高弓勁射鹿宜

十里堡遇雪五疊東坡聚星堂韻

寥天片片飛雲葉平地寒凝盈尺雪光教白帝入提封宇宙清



涼驚叫絕駢駢四牡步何遲攬轡深防車軸折腰韃百騎導星  
輶浪說荒原人迹滅據鞍慊從凍還僵迴撓難學絛鷹掣天葩  
六出誰翦裁凌空亂擲冰花纈金井疑堆湯餅麪蓬瀛亂擲瓊  
瑛屑盤旋時見凍鴉翻蹠蹠枉羨驚鴻瞥揭來近事意差強一  
味豐年餅堪說盤空硬語擬蘇黃不惜喻麋磨硯鐵

冒雪長驅百里荒郵至酉刻抵克爾蘇站偶題

浩渺煙中指剎竿閭閻萬瓦玉鱗攢車煩馬殆僕痛矣纔得郵  
亭一夕安

克爾蘇站雪晴喜成

冒雪三日馳侵曉剛快晴雙輪碾凍轍冰玉鳴錚錚寒暉映積  
素銀海搖晶瑩遶邊寒栗冽消融待春明氈車下帷坐顛簸稊  
稊輕呵氣凝晶窗昏翳迷雙睛趺坐學老禪孤闌心鏡清往時

住京邑縣帽溫鑪擎共賞玉梅春擁裘芒屨烹今冬事鞅掌乘  
傳馳邊城風鑿還雪虐萍梗嗟浮生茆茨白髮叟窮絀胡膨脝  
土炕睡正濃鼻息酣駒鳴門前萬騎過元自關柴荆

夢中陟歷山谿險絕碧霞元君廟示見護持詰朝禱於  
大孤山巔神祠記之以詩

砢冑輪鐵碾岐响疊磴冰封險絕倫深感山靈默呵護夢中示  
見荷慈因

踏雪山行早尖後渡伊通河

秉節拉巖疆目未覩沙磧臘雪三白凝驛路冰花冪衝風履巉  
巖重裘猶凜栗聚落藏山坳疏楊排比櫛煙戶簇千家遠屋微  
露脊停驂就朝餐借稅課司集行庖供野雉三嗅頗珍惜村頭  
渡寒流滑笏驚湍急奔深凍不遑冰窟滴銀液驅車踏浪過沒

骭砭肌骨澎湃湧湮花碎瓊輪鐵激更番戒僕夫徐行遵軌迹  
忠信涉波濤服膺理有必

大孤山旅夜題壁用東坡游洞後至峽州以詩授亭吏

韻

征轂環煙麓迤邐徑繞蛇未牽藤蔓絡頻度薛崖呀老特眠低  
隴飢鷹立斷槎陽和時乍屆義馭影將斜祇爲馳驅憊翻形道  
里遐郵丞煩作主吉林省州縣途中皆驛站監督供給漁屋且爲家巷僻門狃犬  
民殷苴豢豸良農衣半褐貧女髻雙鬟纔陟青雲表重過碧水  
窪塞遼鄰芭鎬俗茂尙義媧莫厭供粗糲還能勵齒牙

自石頭河子至蘇瓦延站山中沿途寫望

晴雷聲灌耳曲磴小車盤浪蹙禾根凍風鳴柳葉乾高峯日見  
早幽谷雪消難呵凍鬚凝白方知古塞寒

二道嶺子秋山將軍

經額布

以耙犁相贈乘坐亂山冰

雪中飛行數十里晚抵蒐登戲題

偏陬無逢車少轂坦鋪白板依平陸駢駟曳導飛奔一舍程  
遙驚電速奚官揚鞭踏凌兢矯捷身手摩霄騰雙轅貼地借滑  
澌快如呼渡渟沱冰瓊瑤一片搖銀海玉壺何處將春買浣粉  
羣峯近可捫飽霜榭葉低堪採我聞羲皇古制垂泥行用楮山  
乘標剡木爲箱敷坐具創奇利用誰所爲憶昨冰嬉侍西苑熊  
羆小隊排霜練拖牀輕碾綠玻璃宛若仙槎泛天漢竭來奉  
使虎節持風餐雪虐千里馳閱歷平生誇壯觀漫山積素跑耙  
犁

初七日申刻抵吉林城

星輶直指吉林城雪虐風餐十日程錦轡行邊威赫濯玉峯導

馬雪崢嶸均田政肅從源溯犀照光明澈底清京國平反須慎  
重飲冰好自勵聲名

十月十三日吉林行館書懷

文書遮眼力編排七日蒙茸住小齋訟固請張須審察民無老  
少要安懷羣情似草平能偃積弊如雲撥未開襟抱共期松浦  
潔圓靈鏡朗絕纖埃

同懷弟法良校刊

男崇福謹校重刊